


গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ
এডিবি অনুবিভাগ
শের-ই-বাংলা নগর, ঢাকা
www.erd.gov.bd

প্রেস বিজ্ঞপ্তি

আজ ২৯ অক্টোবর ২০২৩ তারিখ বাংলাদেশ সরকার ও এশীয় উন্নয়ন ব্যাংক (এডিবি)-এর মধ্যে 'Climate and Disaster Resilient Small-Scale Water Resources Management Project' বাস্তবায়নের লক্ষ্যে ১০৬ মিলিয়ন মার্কিন ডলার ঋণচুক্তি ও ১৭.৮০ মিলিয়ন মার্কিন ডলার অনুদানচুক্তি ঢাকায় স্বাক্ষরিত হয়। বাংলাদেশ সরকারের পক্ষে মিজ শরিফা খান, সচিব, অর্থনৈতিক সম্পর্ক বিভাগ, অর্থ মন্ত্রণালয় এবং এডিবি'র পক্ষে Mr. Edimon Ginting, কান্ট্রি ডিরেক্টর, বাংলাদেশ আবাসিক মিশন, এডিবি ঋণচুক্তিতে স্বাক্ষর করেন। এ সময় বাংলাদেশ সরকার, নেদারল্যান্ডস সরকার ও এডিবি'র আবাসিক মিশনের উর্ধ্বতন কর্মকর্তাগণ উপস্থিত ছিলেন।

'Climate and Disaster Resilient Small-Scale Water Resources Management Project'-টি স্থানীয় সরকার বিভাগের আওতাধীন স্থানীয় সরকার প্রকৌশল অধিদপ্তর কর্তৃক বাস্তবায়িত হবে। প্রকল্পটির মাধ্যমে অংশগ্রহণমূলক উন্নয়নের লক্ষ্যে পানি ব্যবস্থাপনা সমবায় সমিতি (WMCA) প্রতিষ্ঠার মাধ্যমে প্রকল্প এলাকায় (৮টি বিভাগের ৪২টি জেলার ৩৪১ টি উপজেলা) কৃষকের আয় বৃদ্ধি, ১৫০টি নতুন উপ-প্রকল্পে জলবায়ু ও দুর্যোগ সহনশীল পানি ব্যবস্থাপনা অবকাঠামোর উন্নয়ন, ২৩০টি বিদ্যমান উপ-প্রকল্পে অবকাঠামোগত সম্প্রসারণ এবং গ্রামীণ যোগাযোগ ব্যবস্থার উন্নয়ন করা হবে। প্রকল্পের বাস্তবায়নকাল জুলাই ২০২৩ হতে জুন ২০২৯ পর্যন্ত। প্রকল্পটি বাস্তবায়নের লক্ষ্যে এডিবি সহজ শর্তে ১০৬ (একশত বিশ) মিলিয়ন মার্কিন ডলার COL ঋণ প্রদান করবে। ঋণের সুদের হার ২%। এতদ্ব্যতীত অন্য কোন চার্জ নেই। উল্লেখ্য, ০৫ বছরের গ্রেস পিরিয়ডসহ ২৫ বছরে এ ঋণটি পরিশোধযোগ্য। এছাড়া, এ প্রকল্পে নেদারল্যান্ডস সরকার এডিবি'র মাধ্যমে ১৭.৮০ মিলিয়ন মার্কিন ডলার অনুদান হিসেবে প্রদান করবে।

এডিবি বাংলাদেশের অন্যতম প্রধান উন্নয়ন সহযোগী। বাংলাদেশ ১৯৭৩ সালে সদস্যলাভের পর হতে এডিবি থেকে এর অর্থনীতির অগ্রাধিকারভুক্ত বিভিন্ন খাতসমূহে ধারাবাহিকভাবে আর্থিক সহায়তা পেয়ে আসছে। এডিবি এ যাবৎ বাংলাদেশ সরকারকে ২৯,৮৯০ মিলিয়ন মার্কিন ডলারের ঋণ সহায়তা ও ৫৭১.২ মিলিয়ন মার্কিন ডলারের অনুদান সহায়তা প্রদান করেছে। বাংলাদেশে উন্নয়ন সহায়তার ক্ষেত্রে এডিবি সাধারণত বিদ্যুৎ, জ্বালানি, পরিবহন, শিক্ষা, স্থানীয় সরকার, কৃষি, পানিসম্পদ ও সুশাসন-কে প্রাধান্য দেয়। বর্তমানে এডিবি ৫৩টি চলমান প্রকল্পে প্রায় ১৩.০১ বিলিয়ন মার্কিন ডলার অর্থায়ন করছে। এছাড়া, ২০২৬ সাল পর্যন্ত এডিবি'র পাইপলাইনে প্রায় ১০ বিলিয়ন মার্কিন ডলারের ৪৮টি প্রকল্প অর্ন্তভুক্ত রয়েছে। উল্লেখ্য, ২০২৩-২০২৪ অর্থবছরে প্রায় ২.৫ বিলিয়ন মার্কিন ডলারের ১২টি পাইপলাইনভুক্ত প্রকল্প রয়েছে যার মধ্যে এ পর্যন্ত ১০৩৩.৮ মিলিয়ন মার্কিন ডলারের ৫টি প্রকল্প/কর্মসূচীর ঋণচুক্তি স্বাক্ষরিত হয়েছে।


২৩/১০/২৩

মোঃ ওয়ালীউল্লাহ হাসান
সিনিয়র সহকারী সচিব
অর্থনৈতিক সম্পর্ক বিভাগ
অর্থ মন্ত্রণালয়
গণপ্রজাতন্ত্রী বাংলাদেশ সরকার